

venenosis rebus crucias? ALCH. Tunc ego sic procedam cum illo (aviter per digestionem solummodo. NAT. Bene est, si scis, sin minus, non illi, sed tibi nocebis ipse & sumtibus tuis. Nam idem est illi. Ita cum stercore se miscet, sicuti cum auro. Gemma semper bona est, & stercus illam non minuit, etiam si in illud projiciatur, quando lavatur, eadem est gemma, quæ fuit antea. ALCH. Sed ego libenter scirem facere Lapidem Philosophicum! NAT. Ergo non sic Filium meum tractato. Scito enim, quod ego multos filios & filias habeo, & adsum praesto quarentibus me, si sunt me digni. ALCH. Dic ergo mihi, quid est iste Mercurius? NAT. Scito quod sit mihi unus tantum talis filius. UNUS, UNUS ex SEPTEM est: & PRIMUS est; Quoque OMNIA; OMNIA inquam, est: Qui Unus tantum erat; NIHIL est: & numerus ejus integer est. In illo sunt QVATUOR ELEMENTA, qui tamen non est Elementum: Spiritus est, qui tamen corpus habet. Vir est, & tamen vices Fœminæ agit: Puer est, & viri arma gerit: Animal est, & tamen ales avishabet: Venenum est, & tamen pram curat. Vita est, tamen omnia occidit; Regnum est, alter tamen possidet ejus Regnum; Fugit cum Igne, & tamen ex illo paratur Ignis; Aqua est, & non madefacit; Terra est, & tamen seminatur: Aer est, & vivit aqua. ALCH. Jam video ego, quod nihil scio, sed non audeo dicere; Nam perderem bonam existimationem, & vicinus meus non amplius sponderet in me, si sciret, quod ego nihil sciam; Ego tamen me certò scire dicam, alias nemo vel panem mihi daret: Multi enim illorum sperant à me multabona. NAT. Et si in longum protrahes, quid post-

c/